



Senin, 15 Juli 2024

Ogen : Sakaria 4: 1-5, 10b-14



Pitu Lampu



Pokok-pokok penting i bas kitap Sakaria e me berita nubuatan si merentahkan bangsa Israel guna majekken mulihi Rumah Pertoton, ras kerehen Mesias rikut pemerintahNa selaku imam ras raja. Bage pe seruan pertobatan ras iumputi waluh pengenehenen ras nubuatan kerna "tunas."

I bas bahanta sendah, maka i bas pengenehenen si pelimaken, Sakaria ngidah pitu lampu (megati igelari menorah si itama i Rumah Pertoton). Pitu lampu enda e me mata Tuhan si ngenehen kerina bagin-bagin doni enda si jadi kinirajanNa. Adi i bas Alkitab bahasa Indonesia i kataken Kesah Dibata. Maka ikataken pembangunen Rumah Pertoton labo ilakoken alu gegeh ras perang tapi KesahNa. Alu KesahNa, Tuhan makeken Kores, raja Persia guna mbebasken umatNa ras merentahkensa gelah ipajekken mulihi Rumah Pertoton. Tuhan majekken KinirajanNa labo arah perang tapi arah pendahin Kesah si ngobah pusuh perukuren manusia. Janah arah KesahNa Tuhan ngertiken makna saitun i bas lampu e e me dua kalak si ipake Tuhan guna majekken Rumah Pertoton e. Dua kalak serayan e me Serubabel ras imam mbelin Josua anak Joyadak.

Guna nehi sura-suraNa, Tuhan banci saja makeken ise pe jadi serayanNa. Adi Serubabel ras Josua ipake Dibata guna majekken Rumah PertotonNa, kita pe banci ipake Tuhan guna meritaken kemuliaanNa gelah kerina manusia banci mpermuliaken Tuhan ras jadi bagin i bas kinirajanNa. Bagi nina Johannes Calvin, geluhta enda jadi kemuliaan man Kristus. Subuk arah perukuren, pengerana ras perbahanennta.

Kesah Tuhanlah si erkuasa i bas geluhta.



[The main body of the page is a large, blank white area with a wavy top edge, intended for writing.]